

YMA Chu tanpui ngaite tanpuitu a ni

ESTD.1990



YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.12 20th March 2011

YMA HRUAITU INTUAITHARNA HUN HMAN A NI DAWN

Branch News

Chanmari West March 20: Branch YMA Executive meeting in a lo rel tawh angin Chanmari West Branch YMA hruiatu intuaitharna chu Ni 24.3.2011 (Ninga) zan Dar 7:00 hian Chanmari West Primary School ah neih a ni dawn.

Hruiatu intuaitharna hun neih tur ah hian thupui hrang hrang sawiho na neia hun hman tur a ni a. Chairman ah President niin N.Lalrothuangi, Vanapa Section in hun a hmang ang. He programme neih turah hian Local Council member te tel tura sawm an ni. A hnuiai kan han tarlan ang hian Branch OB meeting chuan programee a duang a, a tlangpui tihlen a ni.

1. Inhmeliattirna:

Branch Hruiatu	:	Secretary, CWBYMA
Section Hruiatu	:	Leader (Section)
Sub:Committee	:	Secretary (Sub-Comm't)
Editorial Board	:	Editor, YMA AW.

2. Thupui Sawi :

1. Chhiatni Chungchang: 2. Hmalakna chungchang:

- | | |
|--------------------|--------------------------------------|
| 1) Lumen ah | 1) Branch hnatiang-ah |
| 2) Thlanlaih | 2) Section/Sub-Committee hnatiang-ah |
| 3) Khawhar lenpui | 3) Branch Rorel bawhzui-ah |
| 4) Khawhar in riah | 4) Section/Sub-Committee bawhzui-ah. |

3. Hruiatu nungchang : 4. Inpumkhatna:

- | | |
|---------------------------|------------------------------|
| 1) Tlawmngaihna-ah | 1) Branch leh Section |
| 2) Ai a upa zah-ah | 2) Section leh Section |
| 3) Sakuana-ah | 3) Section leh Sub-Committee |
| 4) Ruihtheih thil -ah | |
| 5) Inthenawm khawvenna-ah | |

3. Seat arrangement : Vanapa Section.

4. Light & Sound : Chawngbawla Section

5. Sanitation : K/N/T - Section

6. Registration : Branch Secretary kaihhruaina in Section leh Sub-Committee.

7. Refreshment : Frooti leh Cake siam nise, a buaipui turin Branch sum enkawltu te ruat ruat an ni.

8. Phatna : Rokhawlha lian tham nei a kal lo tan phatna ` 50 Branch Secretary emaw mahni awmna Section/Sub-Committee Secretary te hnenah pek tur a ni.

9. Information : Property Sub-Committee-in information mike hmangin Ni24.3.2011 zingkar-ah puan nise.Tin, YMA AW ah kimchang tak leh chiang takin tarlan/chhuah nise.

10. Hriattur pawimawh te:

a) Section tin ten thupui hrang hrang te hi mahni Section theuh ah an lo sawiho anga an sawihona report kimchang takin chhiarchhuah nise.

b) Hruiatu intuaitharna programme hi a hun takah tan ngei a nih theih nan, Section leh Sub-Committee-in registration hun chhunga inziak lut kim ngei tura tanlak nise.

c) Section tin ten Section Committee-ah OB Incharge te tel ngei turin hriattir nise.



Ni 24.3.2011(Ninga) zan hian Govt Primary School-ah, Chanmari West Branch YMA huang chhunga nihna nei zawng zawng ten in hmeliattirna leh intuaitharna neih tur a ni a,hruiatu te hun awl lo in siam turin leh kal vek turin kan in hriattir a,hemi zanah hian pawl dangte pawhin Programme lo siam lo hram turin kan in ngen lawk a ni.



Kan veng atanga pem chhuak turte chuan mahni awmna Section Leader/Secretary hnenah lehkha lak hmasak tur a ni a,chumi keng chuan Branch Secretary hnenah pem lehkha pangngai lak chhuah tur a ni.Tin,lekhka lak dawn hian Epic No ziah lan tur a ni.



Heng mite hi vengdang atangin kan vengchhungah an rawn pem lut a ni:

i) Pu Lalrinmawia te chhung Bawngkawn atanga rawn pem, Pu Lalngaihawma Hnamte 'N'Section te In luah.

ii) Pu R.Lalinchhana te chhung Tachhip atanga rawn pem, Pi Lalcharliani 'N'Section te In luah.

HRIATTIRNA

Ni 31.3.2011 atanga tan tur Mizo Traditional Games, Central YMA-in a buatsaih tur atan Section Hruiatu ten mahni Section theuh ah Infiammi leh tel thei ngei tur zawnngchhuah theuh tur a ni e.Heng kan zawnchhuah te hi Ni 22.3.2011 zan Dar 7:00 hian Indoor Stadium-ah Selection neih tur a ni e.Hruiatute'n tawiawm theuh tur.



TUN KAR CHANGVAWN
In thil zir te, in thil pawm te, in thil hriattir te, keimaha in thil hmuh te pawh kha, khang ang kha ti thin ang che u; tichuan Thlamuanna Pathian chuan a awmpui ang che u.

Galatia 4:9

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpuia
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer

President
T.Ngurkhuma
9436190843

Vice President
R.Lalhmachhuana
9436151817

Secretary
RL.Thanhnuna
9436152760

Asst. Secretary
K.Darthantluanga
9436196071

Treasurer
C.Lalzarliana
9436142049

Fin.Secretary
Lalthuamluua
9612216649

Advisers
Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh.II Tim 4:5

Editorial : Kan inkhaikhawmna CYMA berin "Khawtlang nun siam that" tih kumpuan a puan hi mi hrang hrangin a awmzia leh tih dan tur te vawi tam tak an sawiin an ziak tawh a. 'Khawtlang nun siam that' tih hian pawimawh hrang hrang a awm a, chung zingah chuan 'Thil tha tih duhna' hi a pawimawh ber ta zinga mi ani ngei awm e.

Eng anga thu rangkachak hlir pawh sawi sang sawm mahila, "A ni tak maw, khawnghe, ka'n ti tan nghal teh ang" tih kan tum si loh chuan ui bauh ang lek kan ni ang. Mimal tin hian keimahniah khawtlang nun siam that hna hi thawh kan tum tur a ni. YMA hruate emaw, mi tute emaw tih turah kan ngai tlat a nih chuan, kan kumpuan a hlawhtling ngai lovang. YMA kumpuanah hian kan tel vek a, enggemaw tal chu kan ti ve tur a ni tihah hian kan chian a ngai. A mimirin kan tih ve thiam loh leh kan tih ve phak loh thu tha pui pui hlir sawi hi a sawt mawh a, a tapchhakzawl tleng phak zawnga kan in zirtir thin a tul.nang leh kei hian khawtlang nun siam tha tur hian engnge kan tih ve theih le? A harsa lo, i awmhmunah khan han hawihhawm phawt mai teh.Thangtharte hian hawihhawmna leh phungthlukna te hi kan va bosal nasa ta em! Aia upa zahna te hi kan va nei lo ta em! Heti ang thil te te hi mahni inchhungkhurah theuh kan in zirtir thei a, kan fate pawh nupui turin kan kaihruai thei a ni. Chu chu kan kumpuan hlawhtlin zelna tura thil pawimawh tak a ni.Hawihhawmna te, awmdan mawi te hi uar thar leh ila, ram dan tha tak takte hi a tak ngeiin zawm ila, mi hmuh loh lai pawhin eng hunah pawh kan theih chin chin ah i thawk tlang zel ang u.

Vei tur vak a awm si lova MotoGP a ni mai..!

T-a

Kan editor-in article kan khaihlak tlat mai tiin ka kutah a dah a, thu tangkai dang han ziah tur a awm si lo va, pathiannia tan tur MotoGP Championship rilruah a lang zawk a, he lai hmuna awm atan inhme lo viau mah se, dah awl ringawt ai chuan a ziawm deuh ang chu..?

Kumina champion turin Casey Stoner chuan rin a hlawh hle a. Australian rider hian kum li chhung Ducati bike khaliin Italian team tan hun a hmang a, nikuma season a tawp rual khan Honda-in an la lut a. Pathianni hian Honda team tha ber Repsol Honda tan Qatar-ah intlansiak a hmachhawn tan ang.

Stoner hian Redsol Honda vohbik tia an sawi thin Dani Pedrosa a kawp dawn a, season hniih Pedrosa nen inkawpa Honda factory team No. 1 bike khali hman Italian Andrea Dovizioso luahlan mah se, Dovizioso hian No. 3 dinhmun luahin Redsol-ah hun a hmang zui dawn tho.

2005 khan 250 championship-ah title inchuhin Pedrosa leh Stoner an inbei nasa hle a. A tawpah Spaniard zawk dingchangin title a la a, Honda chuan rider pahnihte hi MotoGP-ah seng lut ve vein, 2006-ah Pedrosa chuan team tha Repsol Honda tan bike inelna sang berah season khatna a hmang nghal. Stoner erawh chu Honda team chhe zawk lamah MotoGP-a a season hmasa ber a hmang ve thung.

2006 kum tawpah Australian rider chuan a rilru thlakin Ducati a zawsan a. Italian team tana season khatna a hmanna 2007-ah hnehsawh takin world champion a ni. Stoner hi Ducati tana history ropui tak siamtu ni telin Italian team hian kum li kal taa trophy an lak bak MotoGP-a hun an hman tawh chhungin world title an la hlawh chhuak lo hrim hrim.

Yamaha-in hma an sawn laiin 2008 atangin Ducati an talbuai leh a, Stoner chuan a title hum zo lovin nikum thleng khan hnehnah chang turin a ler a luah let zo tawh lo va. Bike a neih that tawk loh mai bakah, hliamin a tibuai nasa.

2006 khan vannei ang reng takin Nicky Hayden-a kutah world title a tlu lut a. American

rider hi season pumin tlanckawng pahnhiah chiah pakhatna a ni a, a elpui Valentino Rossi chuan pakhatna nihna ngah zawk viau mah se, Yamaha bike chhiat ching tak vangin Italian rider hian season tawpah world title a kawl lai hum zo lovin point belkhawm Haydon a pha lo.

Hayden-a hnuah Honda-in world champion thei rider an nei zui leh tawh lo va. Beiseina sang tak nen kum nga chhung Pedrosa an thir tawh a, an la hlawhchham zel. Japanese team pahnih inel em em zingah Honda aiin Yamaha an lian tawh hle a, season liam ta kum sarah chhungin world title vawi nga an la a, tun kum thum chhung pei chu Yamaha-in thunun hneh.

Kum liam taah Jorge Lorenzo a chungnung a, Spaniard hi Yamaha-ah ngheetin Rossi meuh pawh a nek chhuak thei hiala ngaih a ni a. Rider ropui ber zinga mi Rossi lahin 2003 kum tawp khan Honda chunga lungawi lovin Yamaha a zawm a, kum sarah a cham hnuin a pianna leh seilenna Italy-ah kirin Italian team tan season thaer hmang turin a inbuatsaih.

Pedrosa nghak chhuak thei lo Honda-in rider an dap a, bike tha a neih chuan world champion a ni thei tih a taka lantir tawh Stoner la kir lehin, hmania team tha an khalihtir duh loh kha an bike tha ber an pe. Australian hi season tan hmaa team hrang hrang inbuatsaihna hnuhnung berah a chak ber a. Losail-a an intihsakna tur inpuahchahna hmasa, ningani zanah pawh Stoner aia tlan chak an la awm chuang lo.

Season tan hma atangin Honda an lawm a, Yamaha hnuia rei tak an kun tawhna atanga tal chhuak thei turin Stoner-a chungah beiseina sang tak an nei a. Tun pathianni hian Stoner, Lorenzo leh Rossi-ten bike inang lo theuh khaliin inelna bul an tan dawn a, tunlaia rider tha pali zinga mi Pedrosa chuan kum nga a hlawhchham hnuah champion tumin bul a tan tha leh dawn bawk a, season hmuhnawm tak leh inelna nasa em em tura ngaih tan a ni ang a, Rossi hmuun ruak luahluu Lonrenzo teammate thaer Ben Spies theihngihlh chi a ni lo mai thei.

CHAWNGBAWLA

☞ Inrini hmasa khan section bungrua an enfel a, a list hi siam felin Property Sub-Committee hnenah thehluh a ni. Bungrua te hi dimdawi thei ang bera hmang thin turin a hmang tute an ngen. Bungrua pawimawh zual an neih zat chu :

(1) Thutthleng - 166 (2) Gas Thuk - 2
(3) No - 350 (4) Bel 10.

☞ Kar hmasa chawlhi zan khan Section chhungah duty a ni a, zurui buai leh khawlaia hnawksak em em a khawsa an awm lo chu lawmawm an ti hle. Section chhung a lo muanawm zawk theih nan a khat tawka duty neih thin tum a ni. Khawlai a bengchheng an awmin section hravaitute hriattir vat thin turin an in chah.

☞ Chhiatni Fund leh YMA AW man an rawn khawn mek a, chhungtinte lo ngai pawimawh theuh turin an in ngen. Chhiatni Fund hi ` 200 leh ` 100 a ni a, YMA AW man hi ` 80 a ni.

NEUVA

☞ Ni 17.3.2011 zan khan Section Committee pawimawh tak neih a ni.

☞ An hravaitu Henry Lalremruatpuia'n nupui tha tak a nei chu an lawmpui hle.

☞ Karleh ni 24.3.2011 (Ninga) zan dar 7 a hravaitu intuaitharna Gov't Primary School a neih tur ah hravaitute kim vek turin an in hriattir.

☞ Ni 29 - 30.3.2011 hian Sangha zuara sumtuak hnatlalng neih tum a ni a, bial neitu ten a lei duh tur list Secretary hnenah vawiin Sunday ral hmain theuhluh vek tur a ni.

☞ April Ni 9 Inrinni-ah Blanket su a hnatlalng neih tum a ni a, chhungtinte tlwmngaia lo suktir theuh turin an ngen a, bial neitu ten suk tur list Secretary hnenah April ni 3 ral hmain thehluh vek tur a ni e.

☞ Bial 2-na Mitthi Buhfai khawn turin Mary Laltanpui d/o K.Lalzuitanga ruat thar a ni.

☞ Hravaitute vawiin tlai dar 3-ah Duty tur a ni a, Pu Lalhravaitluanga te in ah innghakhawm tur a ni e.

VANAPA

☞ Tunkar tluan khan Pu H.Lalrinthanga inah Zaipawl hla zir ani a, Pu Rina te chhungkaw chungah Section an lawm takzet ani, hla hi zirtawp zan khan conductor Tv.H.Lalthazuala (Puia) kaihhravina in Blue Wave Studio ah an thun tan.

☞ An hravaitu Mahriata zin pawh a chin hriat ani lo, member ten ha lo tahriam ve ngawt mai tur.

(V-Sect. report chhunzawmna)

☞ Thawhleh zan dar 7:00 hian Pu C.Rozama (L) te inah hla zir leh tur ani a, Section Member zawng zawng te Zaipawl hla zir naah tel turin an in sawm nawn leh e.

☞ Naktuk (thawhtan) zan Thalai inkhawm banah Pu Gordon Zosangiana te inah Section Committee koh ani a, Committee member kim taka kal turin an inhriattir.

☞ An member H.Lalnunthara s/o H.Chuangsanga chu Assam Regiment ah tlingin Shillong ah naktuk hian a chhuk ang.

☞ An Leader hlui, Pu Lalramhluna Hauhnar, Under Secretary to the Gov't of Mizoram a a kaisang chu an lawmpui takzet ani.

☞ Section chhung Kawngpui a tlo zawk nan mitin in dim theuh turin an in ngen, Kawng dungah Motor sil leh tui ti luang lo turin chhungkaw tin te an in ngen ani.

☞ Member a inpe thar duh leh YMA Aw la thar duh chuan Tv R.Lalrinnghta Asst Secretary pan mai tur ani.

☞ An hravaitu Pu T.Lalremruata'n fapa thar a nei chu an lawmpui hle.

KHUANGCHERA

☞ Pu F.Zosanga'n section tan Sign board a rawn pe a, a chungah an lawm hle.

☞ Secretary Pu H.Lalthavela chu a hna lam avangin a zi mek a, an hravaitu Pu Lalrinmuana pawh a pa damlohma avangin Champhai lamah a thang mek bawk.

☞ Electric leh Tui bill khawntute thahnemngai lehzual turin an in ngen.

☞ Chhungtinte mahni in leh a vel vawngfai turin an in ngen.

☞ Section hravaitu zawng zawnge ni 24.3.2011 zana Hravaitu Intuaitharna hun neih tur a kal vek turin an in ngen a, hen ian hian pawimawh dang lo insiam lo turin an in chah bawk.

TAITESENA

☞ Vawiin chawhma inkhawm ban ah hian hravaitu zawng zawnge Leader PU C.Lalmuankima inah thu hmanhmawthlak tak rel tur a awm avangin kalkhawm vek turin an in ngen.

☞ Section Chhungkaw List Secretary hnenah ni 16 ral hma a thehluh tura tih chu Bial 4- na leh Bial

(T-Sect. report chhunzawmna)

7-na te'n an thehlut hman. Bial neitute kan hmabak tihtur ah tan i la thar theuh ang u.

☞ Naktuk (thawhtan) zan Thalai inkhawm banah Pu Gordon Zosangiana te inah Section Committee koh ani a, Committee member kim taka kal turin an inhriattir.

☞ Ni 24.3.2011(Ninga) zan a Hravaitu Intuaitharna hun Branch YMA in a buatsaib tur ah hravaitu ni tawh phawt chu a hun taka kal tum theuh turin an in ngen.

☞ Chhungtinte Faina kawng a nasa zawk a tan la thar theh turin an in ngen a, mahni in leh a vel mai bak a thianglimna ngai pawimawh theuh turin an in ngen.

☞ CYMA in Mizo Traditional Games a buatsaib tur Item hrang hrang ah memberte kan tih theih zawng theuh a tel ve ngei tum turin an in ngen.

Sub - Committee Report

Information :

☞ Vengchhung Information Mike siamthat mek zel a ni a, a thalo a awm chuan Sub-Committee hravaitute hnenah report vat thin tur a ni. A tul anga hmalak chhoh mek zel a ni.

ZCC NEWS

☞ Ni 16.3.2011 zan khan Assam Rifles Khatla-ah programme neih a ni a, member 32 an thawkchhuak a ni.

☞ Ni 17.3.2011 zan ah BRTF, Thuampui ah programme neih leh a ni bawk a, member thahnem tak an thawkchhuak.

☞ Vawiin tlai Dar 3 hian Tv.R.Lalrinnghta (Mangheta) te in V-Section ah committee neih tur a ni a, memberte kal vek turin an in hriattir.

☞ An member Central YMA-in Mizo Infiamna a buatsaib a Branch YMA tel turte tha tak a an tih theih nan duhsakna an hlan.

LOCAL COUNCIL NEWS

☞ Bawlhhlawh Paih Chungchanga hriattira :

1. Pu F.Lala In bul ah bawlhhlawh paih phal a ni tawh lova, paih lui an awm hriat a nih chuan ` 100 chawtitir an ni ang.

2. Vengchhunga Kawrpui reng reng ah bawlhhlawh paih phal a ni lova, paih lui an awm hriat a nih chuan ` 100 chawtitir an ni bawk ang.

ORGANISING COMMITTEE CYMA SPORT 2011

➤ Ni 22.3.2011 (Thawlel) zan Dar 7:00 hian CYMA-in Mizo Traditional Games, Item hrang hrang a buatsaih tura a ngen te Indoor Stadium -ah kim taka kal khawm vek turin an in ngen.

➤ He hunah hian Section hrang hranga a tui mi te Section hruaitute'n rawn thlangchhuak a rawn tawiawm theuh turin Organising Comm't chuan a ngen tak meuh a ni.

➤ Tarlan tawh angin heng a hnuiai Item hrang hrang ah te hian inelna neih tur a ni.

1. Mizo Infiamna (M&W)

Mipa

- | | |
|----------------------|------------------|
| 1) Inbuau | 5) Insaihruipawh |
| 2) Insuknawr | 6) Arpa thai |
| 3) Arpa insual | 7) Kalchhet |
| 4) Sanghar ngul lawn | 8) Lungden |

Hmeichhia

- 1) Kawikah
- 3) Ketaminu intlansiak
- 2) Inkawibah
- 4) Zawnga leihlawm dim dim.

2. Cricket (M) (Ramhlun Sports Complex)

3. Tug of War (M&W) (Ramhlun Sports Complex)

LUNGHLU ROAD WELFARE NEWS

➤ Ni 8.3.2011 zan khan Kum 2011 chhunga hruaitu turte RO Pu T.Ngurkhuma, PO Pi Zamanthangi leh Pi Biakhluni te kaihhrainain inthlanna neih a ni a, heng mite hi an thlang :- Chairman : Pu Lalthankhuma V Chairman : Pu H.Laltanpuia Gen.Secretary : Pu K.Pahlira Asst.Secretary : Pu R.Malsawma Treasurer. : Pu Peter LT.Mawia Fin.Secretary : Pu R.Tlangmawia

➤ Ni 22.3.2011(Thawlel) zan Dar 7:00 hian hruaitu (OB) hlui leh thar te charge inhlanna Pu Peter LT.Mawia In ah neih tur a ni e.

VIDEO COVERAGE/KOHTHEIH

Chhiatni thatni ah video coverage (video thlalak) ti tura koh theih reng kan ni e.Editing pawh kan ti thei nghal a, kum tam tak experience kan nei tawh a, a rate erawh midang aiin kan ti tlawn.

L.P.PICTURES

K.Lalphena

Ph:9862355603

H/No: C-49/B

K.Sangkhuma Inhnuai
CH Section

CWSC NEWS

Volleyball :

Zarkawt Youth Congress Committee in Aizawl North-III MLA Volleyball Running Trophy ni April ni 14-15. 2011 -a a buatsaih turah Branch YMA hmingin team hnih (2) tel tum a ni. Ni vawiintlai dar 3:00 ah Volleyball tui mite indoor stadium ah kal khawm tur a ni.

Karate:

➤ 14th AMKA Siate Championship 2011 Aizawl a Ni 15 -18, march, 2011 chhunga neihah Chanmari West atanga Karate infiamti te'n hetiang hian medal an la :-

1. Vanlalthanpuia
S/o TC. Lalremsiama 'V', G - 4 nos
2. Vanlalnelawma
S/o TC. Lalremsiama 'V', G - 3 nos
3. Malsawmdawngzela
S/o TC. Lalremsiama 'V', G - 2 nos
4. Reuben Lalhmingmawia
S/o Roluahpuia 'V', G - 3 nos
S - 1 no

5. Lalthakimi, d/o Lalpianthanga Hnamte, 'V' G - 1 no (Best fighter women)
6. Lallawmkimi, D/o R. Lalbiaksanga, 'V' G - 1 no, S - 1 no
7. Vanlalchhuanawma
S/o TC. Lalremsiama 'V' G - 1 no
8. Vanlalremluanga
S/o TC. Lalremsiama 'V' G - 1 no
S - 1 no

➤ Karate infiamnaah hian event zawng zawnga chhuak kim tan medal pali a lak theih thin a ni.

Football:

➤ Season Ending Football Tournament 2nd Div. tan Ni 5.4.2011 ah tan a ni dawn. Tin, 3rd Div. tan 23.3.2011 hian tan a ni bawk dawn a, vengchhung player-te NASA zawk a inbuatsaih lawk turin an in ngen.

➤ Pu Lalrinawma, Pu John Zosangliana leh Tv.Zohminga Tlau te'n Football tournament bul tan nan ` 500 theuh an pe chu an chungah Sub-Committee chuan lawmthu an sawi.

➤ CWSC Exe. committee member Henry Lalremruatpuia, N-Section chuan Ni 17.3.2011 khan nupui a nei a an lawmpui hle.

➤ Tv.PC.Lalrempuia s/o PC.Lalremsiama chuan Lajong Football Club, Shillong tan Trial turin koh a ni a, CWSC chuan infiamna lama chona sang zawk hmachhawn tur kan nei hi lawmawm an tiin an chhuang hle.

HETAH HIAN SMS LA

>>9774170328<<

➤ Vanapa Section a ruihtheih thil zuar leh Vanapa Run hnuai varanda zu in thin ho hi hruaitu te khan han sim tir teh u.

961219_85

➤ Kohhran Thalai pawl zawrh a nih vanga Album(CD) kan hmaizah lei fo mai hi chu a mawi zan lo deuh chu a ni. Album ai chuan chhungintte mamawh eichawp thil te hi zuar thin tawh zawk teh se.

961252_21

➤ Kan hriat theuh angin thal khawlum kan lo thleng tan leh tawh reng mai a, mitinte kangmei lak ah fimkhur tlang ila, ram kalna ah te meizial bung pah mai mai lo ila thil pawi a thlen hma in.

977449_09

➤ Chawngbawla Section kawngpui RTS Building hnuai vela side-drain an siamna leivung hi a ranglama pahir tir dan a awm lawm ni, kawng a ti chep in a ti khubawk si a.

977417_28

➤ VC Term hmasa a thlanmuul hungna tur chhungkaw tina Rs 20 an khawn kha khawnge a awm tak le, hnathawh hmuh tur a awm si lo. Mipuite hian i ngaihven ang u, a khawntu te'n an ei zo ta mai em ni.

943638_68

➤ Central Road siamthat a ni leh mek ta a, hetih lai hian kawngchhak lam engemaw chen nek a ni leh ngein a rinawm a, kawngthlang lam ho hi an rawn tawlh chho leh hret hret ang tih a hlauhawm khawp mai, thuneitute'nelfai taka ruahmanna an siam thiam a pawimawh ang.

801256_41

(SMS kan dawn te hi Ed. Bd ngaihdan a ni vek kher lo)

VINCENT SCHOOL



ADMISSION NOTICE

Vincent School, Chanmari chuan hmun laili, pan nuam leh fian rial bawk si, building tharah

Class XI & XII (Arts & Science) Academic session, 2011 atangin day scholar leh hosteller tan a hawng dawn. Admission a tih mek a ni.

Sd/- Principal
(5-1) Ph: 9436154259